

مکملہ ادبی و سیاسی رسالہ


❁ ادبی و سیاسی رسالہ اسبوعیہ در ❁

۳۱ نجی سنہ

۲۳ ذی الحجہ ۱۳۲۹

❁ پچھنہ ❁

جزو عدد : ۱۲۵



دگن سوارسی

حرب بری ایله حرب بحرینک تماس نقطه لری پک مختلفدر. دگن سیاحتلرنده روز کارک قوه محرکه اوله رق استعماندن ، بخار قوتی سایه سنده ، استغنا حاصل اولدینی و سفان حربیه دروننده فن ، عصای تفوقی رفعه باشلادینی زماندن بری بوتاس نقطه لری کیتدکجه دها زیاده بیدار اولمقدهدر. اسکی طرزک افراد بحریه سی سفن حربیه داخلنده موازنه سی غائب ایلدی ؛ گذران اعصار ایله بردونمانک روحی تشکیل ایدن و معلومات و اقتدار نقطه نظرندن مطالب واقعه یه کافل اولان و هیچ برشی ایله قابل قیاس اولیان حیات مسـلک ایچنده حقی برغرور و عظمتک علایم مشعشعی آلتنده یاشامقده اولدینی حالدله خطوه بخطوه تجدداتک تهاجی اوگندن انحرافه مجبور اولدی . و قتيله یلکن کیسینک افراد بحریه سی حفره مزارلرینه طوغری خطوه انداز استیجال اولدقلری صره ده بعض جسور رؤسا ، آرتق هر شینک ختام بولدیغنه حکم ایتمکده ایدی . فعالیت ایله شایان اعتماد اولمکنک نهان ، دگن جیلک فکرینک ، جسارت و شجاعتک منطقی اوله جفته و مسلکک شایان تأسف بر صورتده قدر و اعتبارینک تنزل ایستدیکنه قانع اولمقده ایدی . بونافذا لظـر اولیان ذوات عجبا مطالعه لرنده حق قازاندیلر می ؟ اصلا ! اسـکینک برینه یکی قائم اولدی ، معلومات و اقتدار دها زیاده وسعت پیدا ایلدی . کافه احوال داخلنده بر سفینه یی قوللانمق و دگن اوزرنده سوق ایتمک خصوصنده بر قاچ کله ایله ابراز مهارت و فعالیت ایلیه بیلان افراد بحریه بدوره انکشاف و ترقیده بولنه رق علی الدوام تکامل و تعالی ایتمکدهدر . و قتيله پک بیوک مقیاسده اوله ق صرف کندیلرینه مخصوص بر طرزده حرکت و هر شینی کندیلکلرندن وجود پذیر ایتمکده بولنان بحریه حربیه دها زیاده بر شکل قوی و انتظام داخلنده مظهر تشکیلات اولمق

و تعبیه نظریاتنه دأر دها ساعیانه تدقیقاتده بولنمق مقصدیله تأثیرات عسکریه به قارشی کوسترمکده اولدقلری استغنائی بی معنادن فارغ اولدیلر .

بوجهتله واسع و غایت مهم اولان کشف و امنیت خدماتی اساسلی بر صورتده تعمیقانه و اصول دارمسنده انکشافات و ترقیاته نائل اولدی .

« دکنز سوادسی » : برنجی مرتبهده (قرو آزور) لر ، ایکنجی درجهده طورپیل استیموطلریدر . حرب بحرینک طلب ایدیهیله چکی اڭ مشکل وظیفه لر بوایکسینک عهدده سنه محولدر . وقتیه قورومت ، فرقتین نه ایدیهیله شمعی کوچک و بیوک قرو آزورلرده آنلردن عبارتدر . یلکن کیلیرینک روزکاره تابعیت مجبوریتده اولدقلری بیان ایدیهیله چک اولورسه شمعیکی « دکنز سوادیلرینک » دأره تأثیر و جولانلرینک نه درجهده وسعت پیدا ایلش اولدیغنی تصویره کفایت ایلر .

قرو آزورک اڭ مهم خاصه سی سرعتدر . بو ، سیستمک سلاح حقیقیسیدر . بونک لازم غیر مفارقی اولان ایکی رفقی ایسه دکنزه مقاومت ایله دأره جولان ، یعنی اوزون مدت سیاحتیه قابلیت خاصه سیدر .

قرو آزورک خدمت و وظیفه سی منسوب اولدیغنی دو نمدان ، وطن لیمانلردن پک اوزاق اوله رق آچیق ، انکین دکنزلرده در . کندی امنیتی بالذات کندینه محمول اولغله حائر اولدیغنی فعالیت قابلیتی تشبثاتده کندینه جسارت اعاره ایلر . بالعموم فورطنه لر مقاومت ایدیهیلک کبی صاف و تأیئک ، هوانک شعاعات شمس ایله خنده ناک اوله جغنی کیم بیله بیلیر ؟ برصرصر مده شک سطح واسع دریایی آلت اوست ایدهرک وجوده گتیره چکی طاعغر کبی طالعغر ایلرویه حرکتیه ممانعتده بولنور . قرو آزور کندینی غافل آولانماز . داخلنده بخار انبساط ، آغیر دمیر کتله لری شدتلی دور و حرکتلرنده دوام ایدرلر ، لایتقطع حال فعالیتده بولان پروانه لر جسم سفینه یی بی آرام ایلرویه سوق ایدر . سفینه نک بیجا ق کبی کسکین اولان باش طرفی بحر غضبناکی ، متعظمانه کوپوگلر صاحدیره رق ، ایکی به آیریر ؛ و بر واییلای هول انگیز ایله ایصلملقلر جالان صرصر متهور بیاض کوپوکاریلله کوکرتیه یی قامچیلار ، اویسه یولنده تمکین و عظمتله دوام ایدر .

بالکثر سرعت و دگرزه مقاومت ایله مطلوب حاصل اولماز . بونلرله برابر عین زمانده پک بیوک بردارّه جولانه مالک بولنسی لازمدرکه کندیسنه تعیین ایدیلان واسع و بعید حدود داخلنده کشف خدماتنده کی فعالیتنی هم مکان و باخصوص همده زمان نقطه نظرندن تأمین ایده بیلسون . قرو آزور احتیاجات سوقیه سی نقطه نظرندن وطنک منابع قوتنه قدر غیر تابع بولنور ؛ یعنی اول امرده نه قدر زیاده کوموری احتوا ایئر ایسه تشبثاتی اونستبد جساتکارانه و مقصده موافق بر شکل و صورت اخذ ایئر .

سوارای اردونک گوزی در . عین حال بر دونماتک قرو آزور جزو تامی حقیقده جاریدر . میدان محاربه زرهیلرندن متشکل اولان حال حاضر فیلوسینک قوتی صوگ سینه لرده خارق العاده جسامت پیدا ایلدی . فقط مجادله قدرتنک ترایدی کلیتی مبلغ صرفی ایله قابل اولدیغندن ، منحنی فیئات پک دیک بر میل ایله یوکسلکده در . شمعیکی دونمالر پک قیمتدار بر ماده یی تصویر ایتمکده اولدقلرندن برزوت ملیه به مساوی کلکده در .

الحاصل سواریده نظر اعتنایه آلمق لازمدرکه محاربه دن اسقاط ایدیلان بر سفینه نک یرینه بالجمله فعالیت انشاییه نک و صرفیات اسرافکارانه نک خلافته اوله رق حربک انشای جریاننده بریکسی اقامه ایتمک ناقابلدر . چونکه اگ مساعد احواله انشاییه زمانتی ایکی اوج سنه حساب ایتمک لازم گلدیکندن بو تقدیرده نتیجه قطعیّه یومیه نک استحصالی ایچون زرهلی جزو تأملرینک میدان مجادله به سوقی المزد بولنان بیوک (قوز) ک کافه سی دفعه اوینامق دیمکدر . باخصوص هر ایکی طرف مخاصمده فعالیت حربیه یی حارز اولور . یامظفر و یا ناموسکارانه محو اولمق عزم قویسی ایله منحنی بولنور ایسه . ایشته بوخصوص اقصادی ظلام آلوده گیرمزدن اول ضیای نجات بخشایه داخل اولمق ایچون امنیت و کشف خدماتنه پک عالی بر قیمت و اهمیت اسنادینی مشعر ملاحظه لردر .

دشمنه متعلق اولان شیلرک کافه سی و یا برچو غنی یلک ، کندیمزه عائد هیچ و یا پک اهمیتسز برشی اوکرنسینه میدان ویرمامک کشف خدماتندن طلب اولنه بیله جک

غایه آمالی تشکیل ایلر . بناءً یالکگز کورمک دگل ، عین زمانده کوسـترمامک ، یعنی رؤیتده مانع اولمق لازم گلیر . هم اخباراتده بولمق ، همده سـترایتمک مقتضیدر : اکثریتله حرب بریده واقع اولان عین تکلیفات ، خصوصیه فعالیت ستره بوظیفه در، که اردولرک مشیاتی اناسنده آنلر سوارسی کتله لرینه تحمیل ایدلمک لازم گلیر . فنون و صنایع حاضرمنک اولاد مغنوبه سی اولان قابل سوق سفن هواشیله طیارملرک کشفیاتی هیچ بوجهله آنککنه معادل اوله ماز . بونلر کوروب اخبار ایتمک مقتدر اوله بیلیرلر ، فقط نیات و تداییر ذاتیه منی ستر و اخفا قابلیتلی نقصاندر .

بناءً علیه دشمنی تشبثات استکشافیه سنده تنکیل ایتمک و کندی تداییر و ترتیباتی صورت مکمله ده سترایتمک مقصدینه مبتنی اولان کشف ، حرب بحری ایچون دخی الزمدر . حتی بوتنکیل اناسنده دشمنک مترصد و ایلری قره قوللرینه تلفات کلیه ویا آنلری بسبتون احیا ایده بیلیر ایسه استکشافیمزده موفقیت ایچون کافه موانع برطرف ایدلمش اولور . بوندن استنتاج اولنورکه مؤثر و مقصده موافق برکشفک ، ایجابی حالنده ، مجادله دن تحاشی ایتمسی جائز دگلدر . حتی بوجادله یی بالذات تحری ایده بیلیر . هر نوع افعال حربیه ایچون لازم اولان عین شی کشف حقنده ده جاریدر : درعه ده ایدیلان مقاصد اصلیه حقنده قواعد خصوصیه یی ، فراست و احتیاطی نظردقتدن دور طوئقمسزین حرکات اساسیه سنده صولک درجه فکر تعرض حکمران اولمق لازم گلیر .

بیوک و کوچک قرو آزورلرک فعالیت مشترک سی ایله ایلری به طوغری حرکات متحد منک نظر مطالعه یه آلمق اقتضا ایده جکی مسرودات سالفه دن مستبان اولور . زمانمزه کی کوچک قرو آزورلرک بالخاصه مقصده موافق اوله رق انکشافانه بحریه من طرفدن سعی بولمقده در . مجادله جزو تاسی اوله رق علامت کاشفه سی شـونلردر : بوردا زره لرینک موجود اولماسی ، تسلیحاتک کوچک طویلردن عبارت بولنمسی در . بوندن طولای یالکگز کندینه مشابه سفینه لر و طورپیل استیمو طلری ایله مجادله ایتمک الویریشـلیدرلر . فعالیتی کشف خدماتنده کورمکه

و اخبار ایتمکه منحصر در که بوخصوصی هیچ بروجهله کندیسنگ قیمت واهمیتنی تنزیل
ایتمش اولماز. بونلر حدّ دانسته بدرجه و محاربه قوتی نقطه نظرندن بیوک برنستبد
اوله رق ناقص اولوب برچوق احوالده سفن حربیه جسمه نك مظاهرتنه محتاجدرلر .
دیگر طرفدن کوچك قرو آوزورلر ك کندیلرینه مخصوص فائده و رجحانلری واردر .
اقل امرده بیوک طویلر ایله بوردا زرهلرینك عدم موجودیتدن ناشی مصارف
انشائیة لرینك بالنسبه يك آز اولسیدر . مصارف انشائیة نك آزانی ایسه بوسیستمده
متعدد سفینه نك حاضر بولندیریله فلسفی تسهیل ایتمکده در . بوندن طولانی برقوت
تشکیل ایلمکده اولدقلری کندی کندینه ظاهر اولور . مصارف انشائیة نك آزانی
عین زمانده بر دیگر فائده دهّا تشکیل ایدر که اوده حربك مخاطره لی اویونلری ایچنه
سوق ایدلمسبیله آزیتمده برمادەنك تهلکيه القایدلش اولماسیدر ، هر حالده
مصارف انشائیة لری شوصو ك زمانلرده الك بیوک زرهلیردن هیچ فرقی اولمیان
و (طون) جهتیله آنلره معادل و بلکه فائق اولان زرهلی قرو آوزورلر نسبتاً يك
اهمیتسزدر .

اگر اردو ایله مقایسه ده دوام ایتمك ایسترایسه ك کوچك قرو آوزورلر بعض
نقطه نظرندن یالكز سواری كشف قوللرینه تعادل ایلدیكى حالده بیوک مقیاسده
قوة تعرضیه و تدافعییه مالك بولسان زرهلی قرو آوزورلر ، جهه ایلروسندم
طوبجیلری ایله برابر حال فعالیتده بولنان مجتمع سواری کتله لرینه تقابل ایدر .
انسانی کشفده مجادله و بوننگله برابر خدمت سستریه ، محاربه قوتی حازر بیوک
قرو آوزورلر ك عهدده سه محمول اولور . بوخصوصده غیر قابل تقدیر خدمات مهمه
ایفا ایلر . مع مافیه زرهلی قرو آوزورلرده كرك طویلردن ، كرك زرهلردن
طولانی انشا آندم حصوله گلان ثقلت عظیمه خلافتنه اوله رق بیوک مقیاسده ماكنه
قوتی طلب ایدلك مقتضیدر . که دائما سرعت عظیمه یی محافظه ایدم بیلسون .

سرعت مالک اولمقسزین نه هجومده ، نه رجعتده برشی استحصانه موفق
اولنه بیلیر . بوخاصه نه قدر وجود پذیر اولورسه احتمال موفقیتده اونستبد زیاد
اولور . بوندن طولانی انشائیة پروژهلرندم صو ك زمانلرده زرهلی قرو آوزورلر ایله

میدان محاربه زرهیلرینک یکدیگره خلط ومنج ایدلمسی فکرینک اشاعه وتکلیف ایدلمسی خلاف اوله رق سرعتی برنجی مرتبه ده نظر مطالعه به آلمق لازمدر . ایلری به سوق ایدیلان زرهل قروآزور کندی مشاهنه تصادف ایلدیگی حالده مساوی قوتده بولانلرک مجادله سی واقع اوله جفندن بوراده هانگیسی ماهرانه سوق و اداره اولنور ، هانگیسنک طویلری فائق بولنور ایسه غالبیتی اواحر از ایدر . اگر ایلری به طوغری حرکتده پیشگاه عزمنه برکوچک قروآزور مصادف اولور ایسه - قوتلرک بک زیاده عدم تساویسندن ناشی - آتی برقاج خفیف ضربه ایله تخریب و اعما ایدمیلیر . بودشمن ضعیفی حال احتضاره کتیره بیله جک صورتده رخنه دار ایدمیلک ایچون بیوک چاپلی طویلرک مساعد براصابتی بی شبهه کفایت ایدر .

ما کنه قوتیله متحرک اولان سفائن حاضرمنک استقلالی نتیجه سی اوله رق دارالحركات ، اولله نسبتاً زمانمز مقیاس ایله مساحه اولنه جق وجهله ، دهشتلی توسیع ایلشدر . بوندن طولانی کشف خدماتی الیوم بک اوزاق محللرده امتداد ایتمکده و کندی قسم کلیسندن زیاده سیله تباعد ایتلکده در . تعاطی افکار ، هیئت مجموعه سنک طویلی بولندیرلمسی خصوصلرند تلسمز تلغرافک بک عظیم و مهم خدمتی سبق ایتمکده اولدیغنی بیانه حاجت یوقدر . اوزاق محللرک کشفی بالخاصه تلسمز تلغرافک قابلیت فعالیتی سایه سننده امکان پذیر اولمقددر . انسانیت بوخیوط - موهوممنک شایان اعتماد اولدیغیله کسب مؤانست ایلدی . وقت محاربه ده بوخیطلرک قابل کسر اولوب اولدیغنی تجربه نیک بزه اراه ایتمی اقتضا ایدر .

آمرال توغونک بک واسع برمقیاسده اولان امنیت ترتیباتی سایه سننده روسیه بالطق دوئمناسنک (چوشیا) به طوغری حرکتی حقنده بلا مزاحم حوادث ومعلومات اخذ ایدمیلسی بی شبهه برمستتنا تشکیل ایدمیکدر . ژاپونلرک تلسمز تلغرافلری ، روسلری ایصلق چالهرق اعلان ایلدی . ژاپونلرک اورمش اولدقلری (آغ) ک آرمنندن کوریمکسزین کچهرک ولادی ووستوقه واصل اولمق خولیاسیله ممکن اولدیغنی قدر آزرعوضده اوزون برقول تشکیل ایتک تدبیرمجنوناسنه دوشملری

آنلری بر عطاالت ، بروضعت غیر متعدیه ایچنده بولندیردیغندن ، خصمک فعالیتنی
پک مهم بر صورتده تصعیب ایدیه بیله جک تداییر متقابلهیه مراجعت فرصتندن
محروم ایلدی .

کشف خدماتنه دأر برغونه شکلی اعطاسی غیر ممکندر . حکمران اولان
وضعت واحوالدن عین وجهله مطالعه وتدقیق سایه سنده مشابه شکلدر وجود پذیر
ایده بیلان فکریکانه نی ، کشف قوماندانلرینه القا واحساس خصوصیتی تربیه وتعلیمک
لطف وخدمتته وابسته در ؛ مجاوز خصوصنده توافق افکار ، محولات متناوبه .
فعالیت حقنده فراست ، یالکیز بوسایه ده موجود اوله بیلیر .

کشف خدمتنده کی مسئولیت پک بیوکدر . باش قوماندانک جهات مختلفه دن
وارد اولان خبرلره نظراً تأسیس ایتک ایستدیکی (پلان) ، مبتدای حرکت .
یکانه یا ککیش بر خبر نتیجه سی اوله رق طبق اسقانیل کاغدلرندن وجوده کتیرلمک
ایستیلان بنا کی صار صیلوب بیقیلور . بوجهتله قرو آزور قوماندانک طرازی
« صوگ درجه ده شایان امنیت واعتماد » اولق لازم گلیر . اق ، پک چوق کورملی ،
فقط قبصه و آجیق بر صورتده اخبار ایللیدر . هر خبرک ، راپورک محیطی لایقوله
تحدید و محتویاتی صورت قطعه ده تثبیت ایدلملیدر . عادتاً کندینه مشابه اولانلرک
آزه سنه کیره دیتک ایچون بر طاش نه قدر مدققانه تراش وتنظیم ایدلمک لازم کلیرسه
خبرلرده یالکیز بوجهله ، دشمنه دأر آلتان خبرلره نظراً بدایتده (اسقانیلدن)
یابیلان خانه ، تدریجاً بر بنای محکم حالت گلیر ، که آنک وضعیته کوره دونما
قوماندانی نه وجهله اجرای حرکات ایتک لازم کله چکنه واقفانه حکم ایلر . هر حالده
کندیلرینه پک زیاده تسهیل ایدلدیکی معلوم اولمقله برابر ژاپونلرک جوشیما طریق
اوگنده کی کشفلری (قلاسیق) بر مثال اولق لازم کلیر . امیرال توغو بو محاربه یه
دأر یازمش اولدینی لایحه ده کندیسنه وارد اولان خبرلره نظراً دشمنه وقوع
بوله جق مصادمه نك زمان ومحلنی ، دشمنک اخذ ایتش اولدینی خطا آلود نظامه
وقوفندن طولانی کندیبی ایچون الک مساعد هجوم نقطه سنی قبل المحاربه لایقوله
تعین وتثبیت ایدیه بیله جک بر حالده بولنش اولدیغنی بیان ایلشدیر .

بوکې ووقوف نه درجه موجب فوائد اوله جفی مستغنی ایضا حدر .
 اگر « دکتر سوارسی » وظیفه لرینی ایفا ایدرلرسه ، یعنی کندی قسم کلیسی
 محاربه مسافه سنده اوله رق دشمنک قارشو سنده بولنور ایسه او حالده قرو آزورلر
 میدان محاربه سنک نتیجه پذیر اولسنه اشتراک ایچون کندی تعیبه جزو تاملرنده
 اجتماع ایدرلر . مع مافیه کوچک قرو آزورلر ، قوه تعرضه لرینک بالنسبه دون
 بولنلرندن طولایی ، یالکیز وظائف فرعیه و غیر مهمه حواله ایدیلیر . بولنلر
 سفائن حربیه جسمه نک اشارات تعاطیسنه (مخبراته) معاونت ایدر ، خسار دیده
 اولان سفینه لر حقنده (رومورکور) وظیفه سنی ایفا ایلر و بوراده یالکیز کندی
 مشابهلرینه ، طور پیل استیمبو طلرینه قارشو محاربه ایدر .

[مابعدی وار]

